

VELFERDSPERMISJONAR

Velferdspermisjonar med løn kan maksimalt bli gjevne for 12 arbeidsdagar gjennom eit kalenderår. Fri utover 12 dagar blir gjevne som permisjon utan løn.

Ved alvorleg sjukdom

Ved alvorleg sjukdom i næraste familie (ektefelle, foreldre, besteforeldre, barn, søsken eller andre som står arbeidstakaren nær): Inntil 5 dagar

Rett til permisjon ved sjukdom til barn og barnepassar etter arbeidsmiljølova § 12-9 og Hovedtariffavtalen, Fellesbestemmelsane § 8, pkt. 8.4, gjeld i tillegg til første setning.

Ved dødsfall

Ved dødsfall i næraste familie og andre som har stått arbeidstakaren nær (ektefelle, foreldre, besteforeldre, barn, søsken eller andre som står arbeidstakaren nær): Inntil 3 dagar, eventuelt med tillegg av naudsynte reisedagar.

For tilvenning av barn i barnehage/skulestart

For tilvenning av barn i barnehage: Inntil 3 dagar

1. skuledag: Fri inntil 1 dag

For eige bryllaup

For eige bryllaup: 1 dag

Permisjonsdagen skal takast enten på bryllaupsdagen eller dagen etter, dersom dette er arbeidsdag.



Til husbygging og istandsetting av eige hus/husvære

Til husbygging og istandsetting av eige hus/husvære: 2 dagar

Permisjon kan bli gjeve dersom arbeidstakaren sjølv deltek i bygging av eige hus/husvære. Det blir ikkje gjeve løna permisjon ved tilbygg eller reperasjon av eksisterande hus.

For deltaking i større idrettsarrangement

Internasjonale idrettsarrangement, landskampar o.l.: Inntil 5 dagar

Finale i norgesmesterskap: Inntil 2 dagar

Ordninga blir også praktisert for leiarar.

Høgtidsdagar

For feiring av religiøse og nasjonale høgtidsdagar som ikkje er offisielle etter norsk kalender: Inntil 2 dagar

Flytting

Dersom flytting er naudsynt ved skifte av arbeidsstad hjå ein og same arbeidsgjevar:
Inntil 1 dag

Andre velferdspermisjonar

Undersøking og behandling hjå lege, tannlege, fysioterapeut og andre private gjeremål må så langt mogeleg leggjast til fritida. Det ein finn det rimeleg, kan permisjon med løn bli gjeven for andre velferdsføremål, eventuelt ved analogisk bruk av første setning.

Fri ved runde dagar

Tilsette får fri på 50 og 60-årsdagen, der denne er ein arbeidsdag.